



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**IGREYIDI 12**

**ISINDEBELE ILIMI LESIBILI LOKWENGEZA (SAL)**

**IPHEPHA LESIBILI (P2)**

**NOVEMBA 2021**

**IMITLOMELO: 40**

**ISIKHATHI: Iri-1½**

**Iphepheli linamakhasi abu-8.**

**YELELA**

1. Phendula imibuzo ngencwadi EYODWA oyifundileko (40).
2. Iphepheli LINEENGABA EZIMBILI:  
ISIGABA A: Iindaba ezifitjhani (40)  
ISIGABA B: Iinolwana (40)
3. Khetha ISIGABA SINYE.  
ISIGABA A: IINDABA EZIFITJHANI.  
Phendula imibuzo YOMIBILI.  
ISIGABA B: IINOLWANA.  
Phendula imibuzo YOMIBILI.
4. Landela imiyalo onikelwe yona ekuthomeni kwaleso naleso sigaba ngokuyelela okukhulu.
5. Tlola iinomboro zeempendulo njengombana zinjalo ephepheni lemibuzo.
6. Thalela emva kokuqeda umbuzo.
7. Isikhathi esiphakanyisweko sokuphendula isigaba ngasinye:  
ISIGABA A: Pheze imizuzu ema-(2 x 45) (90)  
ISIGABA B: Pheze imizuzu ema-(2 x 45) (90)
8. Tlola ngesandla esihle nesibonakalako.

**ISIGABA A: IINDABA EZIFITJHANI****TJHEJA:**

- Isigabesi sinemibuzo EMIBILI, UMBUZO 1 noMBUZO 2.
- Phendula IMIBUZO YOMIBILI.

**UZANGENZANI – DM Jiyana nabanye****UMBUZO 1: 'UKUKHAMBANA KUBONA'**

Funda isiqetjhana esilandelako bese uphendula imibuzo.

**ITHEKSTHI A**

Abotsotsi nasele benza umsebenzi wabo wamarhwaqela uzwa ngendoda ilila iqale phezulu. Kesinye isikhathi ingasakwazi ukulila ngombana imino isuke seyiphambana emphinjeni wendoda. Kokunye vane sithokoze nabayibambe bayithintitha bayitjhiya isadla amabele. Kodwana indawo yeMgababa beyingasinjalo nokho ngombana bekuyindawo lapha ungekhe wabona ngitjho nepholisa leli. Kanti okuthabisako kukobana kwakuvame ukuba neenkolo ezihlukeneko zilethe abentwana ukuzokuphola ... 5

Uthe asakhamba ahlangele nomnganakhe akade amgcina uSithole. Bubuye boke ubumnandi nethabo. USithole amthathe ambonise iindawo ezikarisako ngedorobheni. Wathanda ukulibala khulu nomnganakhe lo ngombana nakhu wamkhupha isizungu. Bathe nabaphuma kilendawo wamthatha wamusa lapha kuhlala khona iinyoka. Phela naye selalibele bonyana kude lapha afikele khona, uzwelele ubumnandi bedorobha. Kuthe lapha ilanga seliyokutjingga baya evilweni (The Wheel). 10

[Ikhasi 70–71]

- 1.1 Tlola ibizo lendawo evezwe esiqetjhaneni esingehla. (1)
- 1.2 Tlola ibizo lomuntu uMatjhiyana ahlangele naye bewutlole nokobana bahlobana njani. (2)
- 1.3 Hlathulula okwenziwa nguMatjhiyana nomnganakhe nabahlangene edorobheni. Ipendulwakho ayibe maphuzu AMABILI. (2)
- 1.4 Veza unobangela wokobana uMatjhiyana eze endaweni le. (1)
- 1.5 Rhunyeza bona lapha kwakuvakatjhele khona uMatjhiyana kwakuyindawo enjani ngaphambilini. (2)
- 1.6 Ucabanga bona kubayini uMatjhiyana eze yedwa endaweni akiyo le? (2)
- 1.7 Hlathulula umphumela ongenzeka ebesanenaba ngalokhu ebakwenze kuMatjhiyana. Ipendulwakho ayibe liphuzu ELILODWA. (2)

- 1.8 Phendula isitatimende esingenzasi ngoLIQINISO nofana AKUSILO IQINISO bese usekela isiqu nto osithathako ngephuzu ELILODWA.  
UMatjhiyana uvezwe njengomlingisi okghonako ukulwa. (2)
- 1.9 Khetha ipendulo enembako kilezi ezilandelako.  
Amagama athi '... vane sithokoze nabayibambe bayithintitha bayitjhiya isadla amabele.' Ahlathulula bona:  
A Bayibethe bebayibulala  
B Bayibethile bayithathela izinto kodwana bayitjhiya isaphila  
C Bayibethile azange bayithathele litho bayitjhiya isaphila  
D Ilinyaziwe kodwana bangayithathela litho (2)
- 1.10 Ngokubona kwakho ucabanga bona umukghwa wokulelesa kwabantu abatjha usivezelani ngobujamo bomnotho enarheni yeSewula Afrika? (2)
- 1.11 Coca ngesifundo esitholakala esiqetjhaneni esingehla. Ipendulwakho ayibe liphuzu ELILODWA. (2)
- [20]**

**UMBUZO 2: 'ISIKHUNDLA MADODA'**

Funda isiqetjhana esilandelako bese uphendula imibuzo.

**ITHEKSTHI B**

'Mabhena senifunani kwanje? Aniboni bona ikhamphani le ayinalitho? UBotha ubasakhuluma nami izolo bona nifuze nisebenze ubusuku nemini, nikwazi ukungenisa imali. Nakungasinjalo, umsebenzi uzobaphelela abanye benu. Mnisi noSibiya ningizwa kuhle nje?' Kubhodla uSkhosana. Umoya unonde umvuthela, abafifyelise namehlo.

'Skhosana phela ungalibali bona sasirhurhuba nawe lokha sisesesoke. Senguwe osele 5  
ujame ngehla komlambo, ungasasitjheji nokusitjheja? Jali ungathomi usihlolele wena,' Kwatjho uMabhena. Phela bewuneziq uMabhena lo, nakatjho nje. UJali unebanga lesi-6 kwaphela. Indaba kukobana kade athoma ukusebenzela i-Old Mutual ...

'Lokho kwenziwa nguwe Skhosana. Soke lesisikhathi besibona ngelihlo linye, silala ngangubo yinye. Namhlanje ungene ngeenredlweni zekhampani, sewuzositjela 10  
umhlolo.'

[Ikhasi 50–51]

- 2.1 Tlola igama lekhamphani esetjenzelwa balingisi abakhuluma ngehla. (1)
- 2.2 Hlathulula izinto EZIMBILI ebegade zisenziwa ndawonye ngaphambi kobana uSkhosana athole isikhundla. (2)

- 2.3 Rhunyeza ngamaphuzu AMABILI okwakumunyethwe yincwadi yeenghonyoyilo zabasebenzi ngesikhathi kusaphethe uMotha. (2)
- 2.4 Veza unobangela owenza bona uSkhosana agcine sele athole isikhundla esikhulunyiswa ngehla. (1)
- 2.5 Veza umehluko phakathi kukaNaNtuli nendodakwakhe uSkhosana ngokomsebenzi. (2)
- 2.6 Hlathulula umqondo omumethwe yikulumo kaMabhena ethi, 'Ithi ingaphaphela phezulu, nanyana ifuna ukuhlala ihlale phezulu esiqongweni, icabange bona angeze yoma, angeze yalamba. Skhosana amanzi nokudla kulapha phasi.' Ipendulwakho ayibe liphuzu ELILODWA. (2)
- 2.7 Tsenga isizinda esisithola esiqetjhaneni esingehla. Ipendulwakho ayibe liphuzu ELILODWA. (2)
- 2.8 Siyini isisusa serarano endatjaneni le? Ipendulwakho ayibe liphuzu ELILODWA. (2)
- 2.9 Ucabanga bona isenzo sakaSkhosana sokutjhugulula imithetho yekhamphani ngaphandle kokukhulumisana neensebenzi singaba nomthelela onjani ekhamphanini? Ipendulwakho ayibe liphuzu ELILODWA. (2)
- 2.10 Coca ngomhlobo werarano elitholakala esiqetjhaneni esingehla. Ipendulwakho ayibe liphuzu ELILODWA. (2)
- 2.11 Tshwaya ngokuphumelela nofana ngokungaphumeleli komtlozi ukunikela indatjana le isihloko esinembako. Ipendulwakho ayibe liphuzu ELILODWA (2)

**[20]****IMITLOMELO YESIGABA A: 40**

**ISIGABA B: IINOLWANA****TJHEJA:**

- Isigabesi sinemibuzo EMIBILI, UMBUZO 3 noMBUZO 4.
- Phendula IMIBUZO YOMIBILI.

**AYIKHULUNYELWA EZIKO – RN Mahlangu nabanye****UMBUZO 3: 'UDIMANA NODIMAKAZANA'**

Funda isiqetjhana esilandelako bese uphendula imibuzo.

**ITHEKSTHI C****KWASUKASUKELA!**

Kwakukhona abentwana ababili ebebaziintandani. Ababelethi babo babhubha, babenganazo neenhlobo. Babenganandawo yokuhlala, bahlala emmangweni. Kwakumsana nomntazana. Umsana kwakunguDimana umntazana kunguDimakazana.

Ngelinye ilanga kwabamakhaza khulu. Bayemayema bafunana nendawo yokuzifuthumeza. Babona ilitje elikhulu elinjengogugqasithandaze. Bathi nangangesaya kilo, singathola amalalo sifuthumale. Balibona livalekile kodwana kubonakala bonyana lineentunja ezimbili. Batjhidela eduze bathoma ukuvuma. 5

'Litje leentunjeembili  
Sivulela singene  
Azange sabon' ilitje  
Litje leentunjeembili.' 10

Ilitje lathi tswirrrrrr, vulekiyani. Abentwana bajabula bangena ngelitjeni balala kamnandi. Ekuseni nabavukako uDimana wathi kuDimazana: 'Okungcono angikhambe ngiyokufuna ukudla. Sizokudlani? UDimakazana wathi: 'Nami angazi.'

Bavumelane ngokuthi akukhambé uDimana. UDimana wathi kudadwabo: 'Ungisize ungavuleli umuntu nangisakhambileko.' 15

[Ikhasi 25]

- 3.1 Tlola umraro uDimana noDimakazana ababeqalene nawo nakuqeda ukuhlongakala ababelethi babo. Ipendulwakho ayibe maphuzu AMABILI. (2)
- 3.2 Tlola izinto EZIMBILI uDimana abuya nazo nakabuya ukuyokufuna ukudla. (2)
- 3.3 Ngokurhunyenezweko hlathulula iqhinga elenziwa boDimana nasele bezwa amakhaza. (2)

- 3.4 Hlathulula iqhinga elenziwa nguDimana ukuze bakghone ukusika inyama. (2)
- 3.5 Phendula isitatimende esilandelako ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.  
Ilitjeli ebelihlala aboDimana lilitje elihlukileko kamanye. (1)
- 3.6 Ucabanga bona siyini isizathu esenza bona uDimana njalo nje nakabuyako abe nengoma ayivumako? (1)
- 3.7 Hlathulula isehlakalo esibuhlungu esavelela uDimakazana lokha umnakwabo uDimana nakasayokufuna ukudla. (2)
- 3.8 Sekela isitatimendesesi ngephuzu ELILODWA.  
Esiphethweni senolwana le kuvele ummoya wethabo. (2)
- 3.9 Hlathulula bona umtlozi umveze amlingisi onjani uDimana. Ipendulwakho ayibe maphuzu AMABILI. (2)
- 3.10 Ngokucabanga kwakho ingabe isingeniso senolwana le sitloke kuhle? Sekela ipendulwakho ngokuqalisa ezintweni EZIMBILI ezifanele zivele esingenisweni. (2)
- 3.11 Tshwaya ngelihlo elibukhali isiphetho senolwana le. (2)

**[20]****UMBUZO 4: 'UMSANA NEEMBHONTJISI'**

Funda isiqetjhana esilandelako bese uphendula imibuzo.

**ITHEKSTHI D****KWASUKELASUKELA!**

Kwabe kukhona umsana nonina. Uyise wabhubha. Uyise nakabhubhako bekasele asele nekomo eyodwa. Ngelinye ilanga ntambama unina wathi kuye: 'Msana kumele uvuke kusesesekuseni uyokuthengisa ikomo eseleko le ngombana asinakudla ekhayapha. Sekusele ikaratjhana yepuphu. Sizokubulawa yindlala nasingatjhejiko. Nasingathengisa ikomo le, singaphungulelwa ngombana singathola imali sikwazi 5 ukuthenga ukudla.'

'Kulungile mma ngizakwenza njengokutjho kwakho.' Balale-ke.

Ngelanga elilandelako unina wavuka ekuseni warurela umsana umdoko wadla, wakhamba. Umsana wakhamba njalo, akhamba ahlanguana nabantu alokhu abatjela bona uyathengisa, bamlandulele. Nanyana kunjalo akhange aphele amandla, wayiraga njalo ikomakhe. 10

[Ikhasi 62]

- 4.1 Tlola bona kwenzekani ngoyise lomsana ekukhulunywa ngaye enolwaneni le (1)
- 4.2 Tlola bona unina lomsana wenzani ngeembhontjisi ezeza nomsana lo. (1)
- 4.3 Rhunyeza ngamaphuzu AMABILI abonobangela abenza bona abalingisaba bagcine sele bathengisa ikomo ebe sele isele iyodwa. (2)
- 4.4 Hlathulula isizathu esenza bona umsana lo agcine sele anikele amadoda la ikomo nalokha bamtjela bona abanamali. (2)
- 4.5 Veza umehluko phakathi kwendlela umsana lo aphathwa ngayo ngunina nakasuka ekhaya ayokuthengisa ikomo nalokha nakabuya apethe iimbhontjisi. (2)
- 4.6 Phendula isitatimende esingenzasi NGOLIQINISO nofana AKUSILO IQINISO bese usekela isiqunto osithathako uqalise enolwaneni ngephuzu ELILODWA. (2)
- Unina lomsana lo ungumma onethando emntwanenakhe. (2)
- 4.7 Hlathulula isizinda sendawo esitholakala enolwaneni engehla. (2)
- 4.8 Ingabe ukuthengiswa kwekomo le bekuzowuqeda nofana bengekhe kwawuqeda unomphela umthlago kamma lo? Sekela isiqunto osithathako ngephuzu ELILODWA. (2)
- 4.9 Khetha ipendulo enembako kilezi ezingenzasi. (2)
- Umlingisi oyikutani enolwaneni le:
- A Ngumma lomsana lo  
B Msana  
C Madoda  
D Ziimbhontjisi (2)
- 4.10 Ngathana bewungunina lomsana lo, ngikuphi ogade ungakwenza ukuqotha indlala ngekhaya ngaphandle kokuthengisa ikomo osele nayo yodwa? Ipendulwakho ayibe liphuzu ELILODWA. (2)
- 4.11 Coca ngommoya otholakala enolwaneni le. Ipendulwakho ayibe liphuzu ELILODWA. (2)

**[20]****IMITLOMELO YESIGABA B: 40**  
**INANI LOKE: 80**